


補晉書藝文志附錄（二）
補晉書藝文志刊誤



補晉書藝文志

附錄 補遺

(一)

丁國鈞撰

王雲五主編

叢書集成初編

補晉書藝文志及其他一種

二冊

中華民國二十八年十二月初版

發行人

王

長沙南正路

雲

五

印刷所

商務印書館

發行所

商務印書館

各埠

(本書校對者 董雲平 孫平治)

G 一六三九上

平

叢書集成

初編

主編者
王雲五

商務印書館發行

補晉書藝文志卷二

丙部子錄

孟子注九卷。秦毋適見七錄。孟子本有外書四篇。在今所傳七篇外。諸家注孟俱七卷。此並及外書。故多二卷。唐志作七卷者。非七字衍文。則外書注二卷。彼書已佚也。國朝吳騫曾輯遠外書注一卷。遂江左時人。官邵陽太守。見元和姓纂。漢志。孟子十一篇。并外書在內。

通語十卷。尚書左丞殷興見七錄。興一作基。雲陽人。吳零陵太守。殷禮子。舊唐志載此書。云文禮撰。殷興續。新志則作文禮通語。云殷興續。馬國翰曰。唐志以文禮通語標目。其誤顯然。興父名禮。興不得以父名爲字。謂文禮卽殷禮。而通語實非禮作。通語爲禮子基作。詳吳志顧邵傳注。蓋因興書載父禮事。遂訛父爲文耳。案馬說致數足正兩唐志之譌。

譙子法訓八卷。譙周見隋志。御覽屢引是書。卷四百六引一條稱譙子齊交。蓋是書篇名。

譙子五教志五卷。譙周見七錄。兩唐志著錄。無志字。

袁子正論十九卷。袁準見隋志。兩唐志均二十卷。殆有錄一卷并計之也。

袁子正書二十五卷。袁準見七錄。蜀志諸葛亮傳注曾引袁子。卽準此書。

通玄經四卷。王長文見本書長文傳。七錄有通經二卷。云丞相從事中郎王長元撰。卽是書。而亡佚二卷。

長元則長文之譌也。

新論十卷。散騎常侍夏侯湛見隋志。本書湛傳言著論三十餘篇。別爲一家之言。卽此書。

楊子物理論十六篇。徵士楊泉見七錄。兩唐志著錄。

楊子太玄經十四卷。徵士楊泉見七錄。此書有劉緝注。見唐志。通志藝文略刪去經字。但作太玄誤。

新論十卷。金紫光祿大夫華譚見七錄。兩唐志著錄。

梅子新論一卷。梅陶見七錄。是書隋志無撰人名。據意林晉人撰之文。知爲陶書。補題著錄。御覽卷九百

六十二及九百六十七均引梅子。又卷三十三引梅陶書。卷六百四十九又引梅陶自序。案梅陶書卽

梅子。其自序當亦在是書中。陶字叔貞。見世說方正篇注。

孫氏成敗志三卷。孫毓見七錄。兩唐志著錄。

古今通論二卷。松滋令王嬰見七錄。兩唐志作三卷。前亡後存。卷數增多。非唐人得其遺篇。別爲分第。則

後人有附益也。通志藝文志略作二十卷。十字衍文。

蔡氏清化經十卷。蔡洪見七錄。世說言語篇注引洪集錄云。洪字叔開。吳郡人。有才辨。初仕吳朝。太康中。

本州從事。與秀才王隱晉書曰。洪書稱經。蓋擬易而作。御覽引書綱目。作清化論。誤。兩唐志著錄。

志林新書三十卷。虞喜見隋志。本書喜傳作三十篇。無新書字。兩唐志著錄。均二十卷。此書有注。見御覽

廣林二十四卷。虞喜見七錄。

後林十卷。虞喜見七錄。兩唐志作後林新書。

鄒子一卷。鄒湛見意林。此書隋唐志不載。馬國翰謂意林次此於蔡洪清化經。孫毓成敗志之間。蔡、孫、晉人則鄒自亦同時人。蓋鄒湛之書也。湛傳言所著詩及論事議二十五首。爲時所重。此湛有撰述之證。又與蔡洪、孫毓同在晉初。益可無疑。謹案馬氏所攷致確。故補湛名列此。御覽引鄒子朱買臣孜孜修學云云。卽湛是書。錢大昕養新錄疑爲漢時之鄒伯奇攷之未審。

千子十八卷。千寶見七錄。謹案唐志著錄寶書作正言十卷。立言十卷。當卽此十八卷之本。今不再著錄。荆楚歲時記曾引寶變化論。當在此書內。

閔論二卷。江州從事蔡韶見七錄。新唐志著錄。

顧子十卷。揚州主簿顧夷見七錄。兩唐志皆作顧子義訓。

要覽十卷。郡儒林祭酒呂竦見隋志。兩唐志作五卷。

揚子法言注十五卷。解一卷。李軌見隋志。舊唐志存十卷。新志僅三卷。頗疑其奪十字。李賢文選注二十。二引作李宏範。蓋軌之字。

辨道三十卷。華譚見本書譚傳。

典林二十三卷。韋謏見本書謏傳。

典言五篇。常寬見本書寬傳。

二九神經。祁嘉見本書嘉傳。此書擬孝經而作。

善文。華虞見本書虞傳。此書集經書要事而成。

無名子十二篇。王長文見華陽國志長文傳。

言道。陸喜見本書喜傳。

黃氏家訓。黃容見華陽國志容傳。

典式八篇。賈充妻李婉見婦人集。世說賢媛篇注引御覽卷三十。玉燭寶典均引作典誠。本書賈充傳言。

李氏著女訓行於世。卽此書也。

太玄經注十二卷。范望見兩唐志。望字叔明。文獻通攷作十卷。

述理篇十篇。李密見華陽國志密傳。

典誠十五篇。慕容騏見本書載記。

家令。慕容廆見本書載記。

去伐論。袁宏見藝文類聚二十二。此論隋唐志不著錄。攷七錄有王粲去伐論三卷。入儒家。今依其例列。

入。

祖台之道論。見初學記。

虞溥厲學。見御覽引書綱目。

右儒家類存四十三家三十九部。

老子道德經解釋二卷。太傳羊祜見隋志。釋文敘錄作四卷。新唐志通志同。

老子注二卷。羊祜見兩唐志。與解釋四卷各著錄。知非一書。祜傳作老子傳不作注。

老子經注二卷。江州刺史王尚述見七錄。釋文敘錄云尚述字君胄瑯邪人東晉江州刺史封杜忠侯通

志藝文略作王尚楚兩唐志則作王尚疑互有譌奪不足據。

老子集解二卷。郎中程韶見七錄。釋文敘錄云韶鉅鹿人東晉郎中關內侯兩唐志作集注。

老子道德經注二卷。晉一卷尚書郎孫登見隋志。登爲孫統子附見孫楚傳。釋文敘錄云登字仲山通志

藝文略既載此書又列登注老子一卷複誤。

老子道德經注二卷。西中郎將袁真見七錄。釋文敘錄云真字彥仁陳郡人東晉西中郎將豫州刺史兩

唐志著錄。

老子道德經序訣二卷。葛洪見兩唐志。

老子道德經注二卷。張憑見七錄。兩唐志著錄。

老子注二卷。鳩摩羅什見兩唐志。

老子道德經注二卷。蜀才見七錄。兩唐志著錄。

老子玄譜一卷。柴桑令劉遺民見七錄。兩唐志作劉道人。中興書曰。劉驥之一字遺民。本書有驥之傳。

老子注。鄧粲見本書粲傳。

老子注。劉黃老見本書劉波傳。

老子音一卷。李軌見隋志。

老子音一卷。散騎常侍戴逵見七錄。

莊子注二十卷。散騎常侍向秀見隋志。舊注本二十卷。二是三之譌。李頤注本亦三十卷也。本書秀傳言

爲莊子隱解。卽是書。釋文敘錄。兩唐志均二十卷。

莊子注十卷。議郎崔譔見七錄。釋文敘錄云。譔。清河人。兩唐志皆著錄。

莊子注二十一卷。司馬彪見七錄。隋志云。本二十一卷。今闕。釋文敘錄。兩唐志仍二十一卷。

莊子注三十卷。目一卷。太傅主簿郭象見隋志。七錄三十三卷。釋文敘錄。兩唐志均十卷。

莊子十七卷。葛洪修撰見釋法琳辨正論卷九引。是書疑采擇諸家注所成。故曰修撰。然他書絕未引及。

莊子注三十卷。丞相參軍李頤見七錄。兩唐志皆作李頤集解二十卷。釋文敘錄同。云頤字景真。潁川襄

城人。自號玄道子。

莊子注。盧諶見本書諶傳。

釋莊論二卷。李充見兩唐志。通志作莊子論二卷。

莊子音三卷。郭象。見隋志。

莊子音一卷。李軌。見隋志。

莊子集音三卷。徐邈。見隋志。

莊子音一卷。向秀。見七錄。

莊子音三卷。徐邈。見隋志。冊府元龜作一卷。

莊子注音一卷。司馬彪等撰。見七錄。

列子注八卷。光祿勳張湛。見隋志。湛字處度。高平人。仕至中書郎。見世說任誕篇注。

列子音義一卷。張湛。見宋書藝文志。是書七錄以下均不載。今攷湛列子注中尙附有音義。乃湛所爲。非

殷敬順釋文也。疑當時音義本單行。故宋志得據以入錄。

蘇子七卷。北中郎參軍蘇彥。見七錄。兩唐志著錄。

宣子二卷。宣城令宣聘。見七錄。兩唐志著錄。

陸子十卷。陸雲。見七錄。本書雲傳言撰新書十篇。卽此書。兩唐志著錄。

唐子十卷。唐滂。見隋志。舊題吳人。據意林載是書有大晉應期一舉席捲語。則書實成於晉時。意林注云。

滂字惠潤。生於吳太元二年。是吳亡時。滂年甫三十。其入晉宜矣。

杜氏幽求新書二十卷。杜夷。見隋志。本書夷傳言爲幽求子三十篇。卽此書。唐志著錄三十卷。

抱朴子內篇二十一卷。晉一卷。葛洪見隋志。洪自序謂內篇二十卷。舊唐志同。新志存十卷。當非完帙。今世所行本仍二十卷。

顧道士新書論經三卷。方士顧谷見七錄。此書玉燭寶典曾載一條。餘書鮮有引者。舊唐志作顧道士論凡二卷。

孫子十二卷。孫綽見隋志。御覽諸書所引亦稱孫綽子。蓋以別兵家之孫子。高僧傳四朱士行傳引綽正像論。宏明集卷三載綽喻道論數千言。當皆在此書中。兩唐志均著錄。陳氏書錄解題謂唐志不載。誤。

苻子二十卷。員外郎苻朗見隋志。兩唐志作三十卷。御覽資產部引苻子方外。蓋其篇名。

養生論三卷。嵇康見七錄。

攝生論二卷。河內太守阮侃見七錄。

簡文談疏六卷。簡文帝撰。見隋志。

玄微論。徐苗見本書苗傳。

通老論。阮藉見御覽引書綱目。

右道家類存三十五家。四十五部。

慎子注十卷。滕輔見兩唐志。

蔡司徒難論五卷。三公令史黃命見七錄。

肉刑論范毓見本書毓傳

慎子注劉黃老見本書劉波傳

右法家存四家四部

文子注張湛見文選注

右名家存一家一部

墨辨注六篇魯勝見本書勝傳

右墨家存一家一部

鬼谷子注三卷皇甫謐見隋志

右縱橫家存一家一部

傅子百二十卷司隸校尉傅玄見隋志通志藝文略存五卷

析言論二十卷議郎張顯見七錄

桑邱先生書二卷征南軍司楊偉見七錄

時務論十二卷楊偉見隋志

孔氏說林二卷孔衍見七錄兩唐志皆著錄五卷通典卷九十八引衍乖離論當在此書中

抱朴子外篇三十卷葛洪見隋志原注梁有五十一卷據葛氏自序知外篇本五十卷舊唐志宋志同新

唐志作二十卷。晁氏讀書志作十卷。蓋非完帙。今行世本仍五十卷。道藏舊笈也。日本現在書目亦作五十卷。

博物志十卷。張華見隋志。本傳作十篇。攷北史常景傳。有刪正博物志語。是世所傳本。已非張氏之舊。段

公路北戶錄及文選注。西京賦。閒居賦。七命。所引各條。多出今本之外。疑據景未刪之舊笈也。兩唐志

入小說家。

張公雜記一卷。張華見隋志。舊注云。梁有五卷。與博物志相似。小小不同。

雜記十一卷。張華見隋志。

古今訓十一卷。張顯見隋志。

子林二十卷。孟儀見七錄。兩唐志著錄。

古今注三卷。崔豹見隋志。舊唐志作五卷。原本北堂書鈔歌類引作古今雜記。

論集八十六卷。殷仲堪見隋志。七錄九十六卷。

感應傳八卷。尚書郎王延秀見隋志。

時務論五篇。何攀見華陽國志。攀傳。

索子二十卷。索靖見本書靖傳。

訪論陸喜見本書喜傳。

西州清論陸喜見本書喜傳

審機陸喜見本書喜傳

雜記孫盛見裴氏三國志注

新議八篇薛瑩見吳志

廣志二卷郭義恭見隋志

要覽三卷陸機見兩唐志玉海載機自序云省直之暇乃集要覽之篇上曰連璧集其嘉名取其連類中

曰述聞實述余之所聞下曰析名乃搜同辨異也篇目大旨已具斯數語中

獨斷注司馬彪見李善文選注

雜記徐廣見戴凱之竹譜

異同志李軌見玉燭寶典二月下引

默語周處見本書處傳

人物論庾法暢見世說文學篇注

八賢論謝萬見世說文學篇注

錢神論一卷魯褒見崇文總目褒傳亦載是論以御覽資產部所引校之知非全文

錢神論成公綏見御覽資產部引

右雜家類存二十五家三十一部

語林十卷處士裴啟見七錄據裴氏家傳則書爲裴榮作榮或啓之別名也詳見世說文學篇注

郭子三卷從事中郎郭澄之見隋志舊脫中郎字據本書澄之傳補此書有賈泉注見通志藝文略

陸氏異林魏志鍾繇傳注引此書有叔父清河太守語裴氏謂清河陸雲也知書爲士龍之姪所作惜

名無可攷

列異傳一卷張華見新唐志

羣英論一卷郭頌見七錄

博物志十卷張華見隋志互見雜傳類

搜神記三十卷干寶見本書寶傳互見雜傳類

搜神後記十卷陶潛見隋志互見雜傳類

志怪二卷祖台之見隋志兩唐志作四卷互見雜傳類御覽引書綱目作志怪集

孔氏志怪四卷見新唐志世說方正篇盧志條注引此書有毓爲魏司空冠蓋相承至今語知係晉人

所作文苑英華載顧況廣異記序稱孔慎言志怪疑卽此書互見雜傳類

魯史欽器圖注一卷儀同劉徽見隋志

神異記王浮見御覽八百六十七飲食部

甄異記戴祚見新唐志五見雜傳類

曹毗志怪初學記地部御覽地部均引

右小說類存十家失名二家十四部

兵林六卷江都相孔衍見隋志

兵記八卷司馬彪見隋志舊注云一本作二十卷兩唐志十二卷

兵法孤虛月時祕要法一卷葛洪見新唐志

握奇經述讚馬隆見高似孫子略宋志有風后握機經一卷云馬隆略序卽此書陳振孫曰奇馬隆本作機

圍棋九品序錄五卷范汪等撰見七錄兩唐志作棋品五卷

圍棋勢二十九卷趙王倫舍人馬朗等撰見七錄

投壺變一卷左光祿大夫虞潭見七錄是書有注不知何人所作御覽曾引之兩唐志有投壺經一卷云

郝沖虞譚法撰攷七錄於虞書外尙有郝沖投壺道一卷唐志所云疑合兩人書而一之且誤衍一法字

棋九品序錄一卷范汪等注見隋志

棋品序一卷陸雲見隋志